



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Affischa

Suprastanza cumünala dals 14.12.2015

Presidi: Peer-Puorger Victor

Partecipant/s: Mayer-Schlegel Armon
Molinaro-Andry Mario
Riatsch-Fedi Fadri
Paulmichl-Rodigari Albin

Absaint: Notegen-Melcher Men

Protocol: Luzzi-Barblan Georg

Fabrica: Paulmichl-Rodigari Albin

tractandas	tema	responsabel
167	012 Executiva Acconsentimaint protocol	tuots
168	942 Stabels da la facultà da finanzas Vendita da terrain illa zona da mansteranza	vp
169	101 Masüraziun e termaziun B. Wildeisen, Martina; dumonda per ün dret da passagi (parc. 6251)	vp
170	710 Allontanamaint aua persa Plan general d'allontanamaint d'aua, Tschlin (GEP)	vp
171	810 Administraziun forestala Proget uffizi forestal Valsot	vp/am
172	021 Administraziun da fabrica Dum. da fabrica no. 018/2015, Tualletta favgia Tschlin, Cumün da Valsot, Parc. 6286, Plaz	ap
173	021 Administraziun da fabrica Dum. da fabrica no. 069/2015, Chasa nouva, Nef Karl	ap
174	140 Pumpiers e pulizia da fö Elecziun cdt e vice-cdt dal corp da pumpiers Muttler	vp
175	300 Promoziun da cultura Convegns da prestaziun cun "La Regiun"	vp
176	012 Executiva Orientaziuns	tuots
177	012 Executiva Varia (suprastanza cumünala)	tuots

012 Executiva

167 **Acconsentimaint protocol**

Il capo propuona da trattar amo 2 tractandas; cunvegna da prestaziun da „La Regiun“ ed elecziun dal cader da pumpiers (cdt e vize-cdt). Il protocol dals 03.12.15 vegn acconsenti.

942 Stabels da la facultà da finanzas

168 **Vendita da terrain illa zona da mansteranza**

Davart da diversas dittas illa zona da mansteranza Sclamischo es entrada üna charta culla dumonda per cumprar terrain illa zona da mansteranza. Il capo infuorma ingio chi'd es, sül terrain dal cumün da Ramosch, fin hoz fingià gnü vendü terrain illa zona da mansteranza (avant ils 31.12.12). La radunanza dess in prüma lingia decider sch'ella vül vender terrain illa zona da mansteranza ed in üna segunda fasa decider per che predschi (fr./m2) cha quel terrain dess gnir vendü. La suprastanza decida da suottametter la dumonda e propuona ün predschi da fr. 97.00 m2.

101 Masüraziun e termaziun

169 **B. Wildeisen, Martina; dumonda per ün dret da passagi (parc. 6251)**

Sar B. Wildeisen ha dumandà al cumün per ün dret da passagi (parcella 6251). Il cudesch fundiari ha stipulà il contrat. La suprastanza cumünala dà l'acconsentimaint.

710 Allontanamaint aua persa

170 **Plan general d'allontanamaint d'aua, Tschlin (GEP)**

Il manader tecnic infuorma sur dal plan general a regard l'allontanamaint d'aua da Tschlin (GEP). Il cumün ha elavurà quista documentaziun insembel cul indschegger Albert Mayer. La suprastanza cumünala dà l'acconsentimaint al plan general (GEP Tschlin) suottamiss. In special decida la suprastanza cha illa fracziun da Martina dess restar il « sistem masdà » (Mischsystem) e nò da fabricar il sistem da trapartir las auas (Trennsystem). A Chasura faja dabsögn cha'l bügl existent dess gnir invia illa val ed a Martina stuves l'aua d'ün bügl gnir sfuondrà e nò manada illa sarinera. Per Sclamischo sun gnüdas elavuradas 4 variantas. La suprastanza favurisescha la varianta 1 o 2. Il cumün dess però decider tanter quellas variantas pür cur cha'l proget vegn progettà definitivamaing.

810 Administraziun forestala

171 **Proget uffizi forestal Valsot**

Armon Mayer infuorma a la suprastanza sur da l'elavuraziun dal proget forestal e co chi'd es previs cha la gestiun forestala dess funcziunar in avegnir, impustüt es reglà eir il rinch da maschinas. Divers puncts sun amo da reponderar, in special il tema vendita da laina, predschs da la laina da fö, persunal, concreta strategia pel avegnir ed oter detagls plü. La suprastanza piglia cogniziun dal proget (stadi 14.12.15). Important esa cha'l proget sto gnir controllà e surlavurà permanentamaing. La cumischiun dess far amo üna surelavuraziun definitiva. La suprastanza dess far bun il proget dal 2016.

021 Administraziun da fabrica

172 **Dum. da fabrica no. 018/2015, Tualletta favgia Tschlin, Cumün da Valsot, Parc. 6286, Plaz**

Cunter quist proget sun entrats 39 recuors. Per part sun entrats eir recuors nò valabels da personas chi nun abitan a Valsot. Ils temas dals recuors sun l'estetica, il lö, la canera, il nüz da la Faviga ed oter plü. La suprastanza vegn a la conclusiun chi nun ha ingün sen a proseguir cun quist proget. La radunanza cumünala dess gnir infuormada in quel sen.

021 Administraziun da fabrica

173 **Dum. da fabrica no. 069/2015, Chasa nouva, Nef Karl**

Famiglia Karl e Fabienne Nef han inoltrà üna dumonda da princip per fabricar üna chasa cun garascha sülla parcella no. 262. Per pudair fabricar lur intent previs ston els avair l'acconsentimaint dal cumün per pudair fabricar plü dastrusch al cunfin vers ost. La suprastanza es da princip da l'avis cha in prüma lingia sto gnir nüzzià il terrain illa zona previsa sainza permis specials, scha quai nun es pussibel dess gnir analisà la varianta d'ün barat da terrain e per finir ün eventual permis per fabricar plü dastrusch.

140 Pumpiers e pulizia da fö

174 Elecziun cdt e vice-cdt dal corp da pumpiers Muttler

La supranza elegia a sar Angelo Horber sco nouv cumandant ed a sar Flurin Nef sco vice -cumandant dal corp da pumpiers Muttler. Las caricas cumainzan ils 01.01.2016. Curdin Müller rafüda sia carica sco cumandant per la fin da l'on 2015 causa ch'el ha ragiunt l'età da rafüdar. Armon Mayer till ha ingrazchà per l'ingaschamaint e surdat ün regal.

300 Promoziun da cultura

175 Cunvegnas da prestaziun cun "La Regiun"

Il capo preschainta las differentas cunvegnas da prestaziun cun « La Regiun ». Is tratta da cunvegnas pel post regional d'integraziun, la gestiun d'üna scoula da chant e musica, il ramassamaint da las immundizchas da chasa ed il management regional NRP 2016 – 2020. La supranza cumünala acconsentischa tuot las cunvegnas.

012 Executiva

176 Orientaziuns

Il capo infuorma sur d'ün cas chi vegn trattà davant l'autorità da mediaziun dal district En. La supranza piglia cogniziun dal cas. Implü infuorma il capo sur d'ün proget previs illa scoula a Tschlin. L'interessent sar Corsin Biert dess preschantar seis proget ad üna sezzüda da supranza. Mario Molinaro orientescha cha duonna Milena Horber es a partir dal 2016 nouva presidenta dal cussagl da scoula.

012 Executiva

177 Varia (supranza cumünala)

Ingünas remarchas.

7556 Ramosch, 17.12.2015



Il capo:

Il manader administrazi: